



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ასურეთის სამაროვანი

ასურეთის სამაროვანი, ადრინდ. ანტიკური ხანის (ძვ. წ. V-IV სს.) არქეოლოგიური ძეგლი სოფ. ასურეთის (თეთრი წყაროს მუნიციპალიტეტი) სამხრ.-დას-ით ადგილ „სამაჩვეთში“. 1966 გათხარეს (ხელმძღვ. კ. კვიციანიძე) ქვემო ქართლისათვის დამახასიათებელი მოკლე ქვაყუთები (საშ. ზომა 0,6 X 1,0 მ). სამარხების ნაწილი დანგრეული და გაძარცული იყო. მიცვალებულები იწვნენ გვერდზე, ხელფეხმოკეცილნი, თავით დას-კენ. სამარხეული მასალისგან აღსანიშნავია თიხის ნაწარმი (წითლად გამომწვარი და ზოგჯერ წითელი ანგობით დაფარული ღოქები, სამტუჩა და მილიანი ხელაღები, ფიალები, კოჭბები და ა. შ.); ბრინჯაოს (ფიალა, სამაჯურები, საკინძები, საყურეები, ბეჭდები, ზარაკები და ა. შ.), რკინის (შუბისპირი, ცული, დანები, სამაჯურები, ბეჭედი და ა. შ.) და ვერცხლის (სასაფეთქლე რგოლები, საყურეები, ბეჭდები) ნივთები. სამარხების თავზე მრავლად აღმოჩნდა მსხვილფეხა რქოსანი საქონლის თავფეხის ძვლები, რაც იმ დროს ქვემო ქართლში ალაპის წესის არსებობაზე მიუთითებს. აღმოჩენილი ნივთები საქართვე. ტერიტორიაზე (ბეშთაშენი, გომარეთი, კიკეთი, ითხვისი, ბრილი, კუშჩი, თეთრი წყარო) მოპოვებული ამავე ხანის არქეოლ. მასალის ანალოგიურია.

**კ. კვიციანიძე**

---